

Ang mga Kabulahanan [The Beatitudes]

MATERYAL SA SEMINARY ALANG SA BAG-ONG TUGON

Pakisayran	Hiyas
Mateo 5:3; 3 Nephi 12:3	Kabos sa espiritu. Ang pagkamapainubsanon, o “pag-ila sa mapasalamatong paagi sa imong pagsalig diha sa Ginoo— ang pagsabot nga kita kanunay nga nanginahanglan sa Iyang suporta. Ang pagkamapainubsanon mao ang pag-ila nga ang atong mga talento ug mga abilidad mga gasa gikan sa Dios” (Gospel Topics, “Humility,” topics.ChurchofJesusChrist.org).
Mateo 5:4	Magbangutan. Ang pagbati ug pagpadayag sa kasubo mahitungod sa usa ka butang. Ang tawo mahimong magmasulub-on tungod sa mga pagsulay sa pagka-mortal nga nasinati nila ug sa ubang tawo. Ang tawo mahimo sab nga magmasulub-on tungod sa kasub-anan para sa sala.
Mateo 5:5	Maaghop. Ang “matinahuron sa Dios, matarong, mapainubsanon, matudloan, ug mapailubon ubos sa pag-antos’ [Giya ngadto sa mga Kasulatan, ‘Maaghop, Pagkamaaghop,’ scriptures.ChurchofJesusChrist.org]. Kadtong aduna niini nga hiyas andam nga mosunod ni Jesukristo, ug ang ilang kinaiya kalma, manunoton, matugtanon, ug masulundon” (Ulisses Soares, “Magmaaghop ug Magmapaubsanon sa Kasingkasing,” <i>Ensign</i> o <i>Liahona</i> Nob. 2013, 9).
Mateo 5:6; 3 Nephi 12:6	Pagkagutom ug pagkauhaw sa pagkamatarong. Ang pagbaton og dakong tinguha nga masayod ug mobuhat sa kabubut-on sa Dios.
Mateo 5:7	Maloloy-on. Ang “pagkamanggiloy-on, matinahuron, mapasayloon, ligdong, ug mapailubon, bisan pa kon nakahibalo kita sa mga kasaypanan sa ubang tawo” (Gospel Topics, “Mercy,” topics.ChurchofJesusChrist.org).
Mateo 5:8	Putli nga kasingkasing. Ang pagkalakip niadtong kinsa “nahigugma sa Ginoo, kinsa nagtinguha nga mosunod Kaniya ug motuman sa Iyang mga sugo, kinsa naningkamot nga magpuyo og mahiyason nga kinabuhi ug matinud-anong molahutay hangtod sa kataposan. Ang mga maputli og kasingkasing mao kadtong makapugong sa ilang mga hunahuna aron magpabiling gawasnon ang ilang kaugalingon gikan sa imoral nga mga pantasya ug mga binuhatan” (Sheldon F. Child, “Words of Jesus: Chastity,” <i>Ensign</i> o <i>Liahona</i> , Ene. 2003, 44).
Mateo 5:9	Tigpasiugda sa kalinaw. “Ang pagtabang sa mga tawo sa pag-ila kon unsay komon kanila sa higayon nga ang uban nagtan-aw sa mga kalainan” (Henry B. Eyring, “Pagkat-on diha sa Priesthood,” <i>Liahona</i> , Mayo 2011, 63).
Mateo 5:10–12	Gilutos tungod sa pagkamatarong. Ang pagkaandam nga motuman ug manalipod kang Jesukristo ug sa Iyang mga pagtulon-an, bisan kon pagatamayon o maltratohon kita sa pagbuhat niini.